



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 5. Exempla ex Veteri. Novo.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

mittat ori, quod illò fruitur; & prægustat primum, quod transmittit in stomachum. Manus tam averfa à suis commodis, quam provida in alienis parandis. Verba S. Ambr. nullum dubium est, dexteram vel totius corporis præclariorem portionem, ut quæ providentiâ quâdam membra cætera pascat, ac nutriat. Oliva t. 1. conc. 35. fello S. Andreae.

§. V.

Exempla.

Ex Veteri.

Quidnam est hoc, quod fecit nobis Deus? Gen. 42. 28. Cur non dicunt, quod fecit, nobis Joseph? Resp. quia triticum simul, & pecuniam simul videbant; & frumentum gratis absque pretio & lucro, datum cernebant; bene dicunt, esse id opus Dei: nam sine lucrò quidquam dare, Dei magis opus est, quam hominum. Did. Nisl. D. 4. in Quadr. §. 1.

Tenuerunt sinistris manibus lampades, & dextris sonantes tubas. Judic. 7. 20. Rupert. in l. 1. Judic. c. 11. designatur in tubis clamor prædicationis, in lampadibus claritas miraculorum, in lagenis fragilitas corporum. Hos milites, quibus corporis salus, viæque, in sinistris ponitur, delegit Gedeon contra Religionis hostes: nam sui amans trepidus fugiet. Naxera in Jos. c. 4. §. 25.

Erat cor ejus pavens pro arca Dei. 1. Reg. 4. 13. Heli cæterâ malus, in hoc bonus, 1. Reg. 18. audiens captam arcam, cecidit; non doluit acceptam cladem, fugam militum, libertatem perditam, excidium principatus, liberorum mortem. Erat enim cor ejus pavens pro arca Dei. v. 13. ô elogium! hic est spiritus Sacerdotii, nihil aliud præter sanctuarium cogitare. Oliv. t. 1. conc. 2.

Ibat Samuel, per singulos annos circumiens Bethel. &c. 1. Reg. 7. 16. Samuel rem suam non agebat, sed suorum; nè subditi, aduendo suum Judicem, sumptus facerent, tempus perderent; ipse, quiescentibus omnibus, solus discurrerat. Non timebat injurias temporu, asperitates viarum, non angustias hospitiorum; ac andè sui memor muneris, civium munera non expetebat; unde nullas sibi pecunias, pherimas Deo animas lucrabatur: ante Evangelium Evangelii professor, ante Christum Christianus; ante Paulum Pauli imitator. 2. Cor. 12. 14. *Non ero gravis vobis; non enim quæ vestra, sunt, sed vos* Mendoza. in l. 1. Reg. 7. annot. 28.

Dedit Dominus voces. 1. Reg. 12. 18. Dum Samuel suam testatur innocentiam, cælum dat signum. At verò Paulus ostendit suam eximiam puritatem, Act. 20. 33. cælum nullum dat signum. Resp. Paulus nullorum honorum Reipublicæ habuit administrationem; at Samuel supremus fuit Judex, & gubernator; quòd talis sibi nihil usurpavit, ut credatur, necesse est, ut fiant miracula, cælumque Signa ostentet. Sylv. in Act. hic q. 12.

Polyant. Sacr. Tom. 1.

Quid dabitur viro, qui percusserit Philistheum? 1. Reg. 17. 26. Resp. det S. Chrysof. hom. 19. in ep. Rom. quod dicebat, *quid dabitur?* non ideo dicebat, quòd mercedem exigeret, sed quòd sibi crederetur, & in pugnam cum illo committeretur. Nam cum adeptâ jam victoriâ, ad Regem esset ingressus, nihil de mercede meminit. Oliv. t. 2. conc. 9. die Ven. post D. 2. Quadrag.

Dicent amatores commodi sui, etiam Davidem in iis, quæ fortissimè gessit, spei stimulo in citatum.

Pater eram pauperum. Job. 29. 16. S. Greg. non patronum se, vel proximum vel adjutorem pauperum, sed patrem fuisse testatur: quia nimirum magnò charitatis officio studium misericordiæ vertit in affectum naturæ: ut eos, quasi filios, cerneret per amorem; quibus quasi pater præerat per protectionem. Advocatus plerumque lucrum spectat. Non talis est erga filium pater. Did. Nisl. polit. cæl. p. 1. l. 8. c. 5.

Posuerunt me custodem in vineis, vineam meam non custodiri. Cant. 1. 5. Hugo Card. exponitur hoc in bono; in persona bona Prælati, qui non quarit, quæ sua sunt, neque quod sibi utile est; sed quod multis. Id. D. 2. adv. §. 4.

Tollite me, & mittite in mare. Jon. c. 1. 12. Nota Jonæ charitatem magnanimam; quâ, nè alii pereant, ipse solus perire cupit. S. Hier.

Ex Novo.

Pater noster, qui es in cælis. Matth. 6. 9. In filiorum ordinem, gradumque provecti, illâ continuò, quæ est in bonis filiis, pietate flagrabimus; ut non jam pro nostris utilitatibus, sed pro nostri Patris gloriâ, totum impendamus affectum, dicentes: *sanctificetur nomen tuum;* nostrum desiderium, nostrum gaudium, gloriam nostri Patris esse testantes. Jo. Cassianus Coll. 9. cap. 18.

Faciamus hic eria tabernacula, &c. Matth. 17. 4. Petrus non sibi, sed aliis vult edificare. Hugo Card. in Luc. 9.

Expectans consolationem Israel. Luc. 2. 22. ut verus Pontifex, non suam propriam consolationem, sed Israelis, expectabats non pro se, sed pro communi bono, erat sollicitus. S. Eligius hom. 2. de S. Simeone: qui excreverat in tantum justitiæ culmen, ut non jam solummodò suam, sed etiam totius populi Israelis, quæreret salutem, & adventu Christi expectaret consolationem. Sylv. Addit. in Luc.

Pastor bonus animam suam ponit pro ovibus suis. Jo. 10. 11. Non dicit, honoratur, & colitur; sed, *animam suam ponit &c.* Hoc est principatus, hoc est pascendi scientia; sua negligere, & eorum, quos regit, curam gerere. S. Chrysof. in Ps. 113.

Nunc scio verè &c. Act. 12. 11. q. d. agnoscere nunquam antè poteram, dubius hæsi; at nunc discedentem certò Angelum deprehendi. Sed unde, ô Petre! quid signi vidisti?

N 2 respon.